

Darn Darllen

Gyrru'n bleser? Pan o'n i'n dysgu, feddyliais i erioed y baswn i'n dweud hynny. Roedd dysgu gyrru'n broses mor araf ac anodd. Dechreuais i yrru ar ddiwrnod fy mhen-blwydd yn ddwy ar bymtheg. Ro'n i dros bump ar hugain erbyn i mi basio'r prawf.

Ond rhaid i mi ddweud dau beth: i) yrrais i ddim am saith mlynedd yn y canol: ii) pasiais i'r prawf y tro cyntaf i mi gynnig. Ond pan o'n i'n allan ychydig cyn y prawf, pwy welais i'n sefyll wrth groesffordd brysur ond fy hyfforddwr cyntaf wyth mlynedd ynghynt. Stopiais i'r car wrth y groesffordd a chrafu'r injan i'r gêr cyntaf. Clywodd yr hyfforddwr y sŵn ac edrych yn syn ar y 'L' goch. Es i mor goch â'r 'L' a brysio ymlaen. Neidiodd y car fel cangarw yn cario tomato i ganol ffordd a stopio'n stond. Gwelais i'r hyfforddwr yn rhoi ei ben yn ei ddwylo mewn anobaith. Buodd y dyn druan farw cyn iddo fy ngweld i'n gyrru heb 'L'. Roedd y straen yn ormod iddo fe.

Allan o Sgyrsiau Dros Baned, Elwyn Hughes.

Geirfa

anobaith	<i>despair</i>	straen	<i>strain</i>
astudio	<i>to study</i>	prawf	<i>test</i>
becso	<i>to worry</i>	pryderus	<i>anxious, worried</i>
bywyd	<i>life</i>	yn ymyl	<i>near</i>
crafu	<i>to scratch</i>		
croesffordd	<i>crossroads</i>		

Cwestiynau

1. Pryd dechreuodd Elwyn ddysgu gyrru?
2. Beth ddigwyddodd pan oedd e'n ddau ddeg pump?
3. Pam buodd e mor hir cyn sefyll y prawf?
4. Pwy welodd Elwyn pan oedd e allan yn ymarfer gyrru?
5. Pam oedd y dyn yn edrych yn syn ar yr 'L' goch?

6. Beth ddigwyddodd i'r car wedyn?
7. Pam buodd y dyn farw, yn ôl Elwyn?
8. Oedd dysgu gyrru yn bleser i Elwyn?
9. Oedd y groesffordd yn y darn yn un brysur?
10. Ydy'ch stryd chi'n un brysur?
11. Dych chi'n gallu parcio rhwng dau gar?
12. Dych chi wedi gyrru mini erioed?